

«Бекітілді»
№23 «Ынтымак» бөбекжай-бақпасы
менгерушісі М. А. Канеултанова А.Н.



**2024 - 2025 оқу жылына арналған «Біртұтас тәрбие» бағдарламасы аясында жүргізілетін
«Жеке қауіпсіздік» тақырыбындағы ұйымдастырылған іс-әрекетінің
жұмыс жоспары.**

Мектепалды топ.

2024 - 2025 оқу жылы.

Қазақстан Республикасының білім беру ұйымдарында 2024-2025 оқу жылынан бастап жеке қауіпсіздік сабақтары енгізіледі.

Қазақстан Республикасы Үкіметінің 2023 жылы 31 тамыздағы № 748 қаулысымен Балаларды зорлық-зомбылықтан қорғау, олардың құқықтары мен саламаттығын қамтамасыз етудің 2023–2025 жылдарға арналған кешенді жоспары бекітілді, ол балалардың қауіпсіздігін қамтамасыз ету жөніндегі шараларды қамтиды.

Сабақтардың мақсаты – оқушылармен тәрбиеленушілерде әртүрлі жағдайларда олардың қауіпсіздігін қамтамасыз ету үшін қажетті білім мен дағдыларды қалыптастыру, ықтимал қауіптерді тану және оларға дұрыс жауап беру қабілетін дамыту.

Сабақтардың міндеттері:

- Жеке қауіпсіздікті қорғау шаралары туралы хабардарлықты арттыру;
- Тәрбиеленушілердің құқықтық сауаттылығын арттыру;
- Өзін-өзі қорғау дағдыларын дамыту;
- Жауапты мінез-құлық қалыптастыру;
- Психологиялық дайындық;
- Әлеуметтік құзыреттілік;
- Ақпараттық қауіпсіздік.

Мектепке дейінгі ұйымның және мектепалды сыныбының тәрбиешілері ойын түрінде жеке қауіпсіздік бойынша теориялық түсініктер мен практикалық дағдыларды қалыптастыру үшін тақырыпқа және қойылған міндетке байланысты жас тобының күн тәртібіне сәйкес балалармен күн бойы шараларды жүзеге асырады.

Сабақтарды апта сайын 10 минуттан өткізу жоспарлануда.

Оқыту нәтижесінде балалардың мынадай құзыреттері қалыптасады:

- 1) Қауіпсіз және қауіпті жағдайлар туралы хабардар болу;
- 2) Даулы жағдайлар мен келіссөздерді шешу;
- 3) Агрессиямен зорлық-зомбылықтан қорғау;
- 4) Әлеуметтік бейімделу және жаңа жағдайларға бейімделу;
- 5) Өз қорқыныштарымен фобияларын бағалау және еңсеру;
- 6) Өз қабілеттерімен мүмкіндіктеріне сенімділікті арттыру;
- 7) Қауіпсіздік сезімі және өзіне сенімділік;
- 8) Жағдаятты талдау және дағдарыс жағдайларында шешім қабылдау;
- 9) Өз әрекеттерімен денсаулығы үшін жауапкершілікті арттыру;

- 10) Сыни тұрғыдан ойлау және жағдайды бағалау қабілеті;
- 11) Басқа адамдармен қарым-қатынас және өзара іс-қимыл жасай білу;
- 12) Қажет болған жағдайда көмек сұраудың маңыздылығын түсіну;
- 13) Өртүрлі жағдайда өз-өзіне және өзара көмек көрсету.

**2024 - 2025 оқу жылына арналған «Біртұтас бағдарламасы» аясында жүргізілетін
«Жеке қауіпсіздік» тақырыбындағы ұйымдастырылған іс әрекетінің жоспары.
Мектепалды топ.(5 жас).**

Айы	«Жеке қауіпсіздік» тақырыбы.	Мақсат-міндеттері.	Материалдар мен ресурстар.
Қыркүйек айы. I – II апта	«Жедел қызметтер мен байланыс орталықтарының телефон нөмірлері»	Тәрбиеленушілерге жедел қызметтердің, байланыс орталықтарының телефон нөмірлерін есте сақтауды және қажет болған жағдайда дұрыс қолдануды үйрету. 1. Балаларды «Жедел қызметтер, сенім телефоны» ұғымымен және олардың негізгі телефон нөмірлерімен таныстыру; 2. Қандай жағдайда жедел қызметтерге, байланыс орталығына хабарласу кереккенін түсіндіру;	Ұйымдастырылған іс-әрекет тақырыбы бойынша мысалдарды көрсетуге арналған суреттер мен бейнелер; Жедел қызметтер мен байланыс орталықтарының телефон нөмірлері туралы жадынамалары бар үлестірме материалдар; Сюжеттік-рольдік ойындарға арналған телефондар, телефон аппараттары немесе ойыншық телефондар.
Қыркүйек айы. III – IV апта	«Жедел қызметтерге қалай қоңырау шалуға болады?»	Балаларға жедел қызметтерге дұрыс қоңырау шалуды, жедел әрекет ету үшін қажетті ақпаратты беруді үйрету. 1. Балалармен жедел қызмет, байланыс орталығы нөмірлерін қайталау; 2. Төтенше жағдай кезінде телефон соғу нұсқауларының негізгі элементтерін көрсету; 3. Әртүрлі төтенше жағдайларда телефон соғу сценарийін әзірлеуге және есте сақтауға үйрету; 4. жедел қызметтерге телефон соғу жаттығуларын өткізу.	Жедел қызметтерге қоңырау соғу мысалын көрсетуге арналған суреттер мен бейнелер; Жедел қызмет нөмірлері бойынша жадынамалары бар үлестірме материалдар; Рөлдік ойындарға арналған телефондар, телефон аппараттары немесе ойыншық телефондар.

Қазан айы. Апта сайын.	«Ұйымдастырылған іс-әрекет кезіндегі мінез-құлық қағидалары»	Балаларға олардың қауіпсіздігін қамтамасыз ету және қолайлы даму ортасын қалыптастыру мақсатында ұйымдастырылған іс-әрекет кезінде мінез-құлықтың негізгі қағидаларын үйрету. 1. Балаларды топтағы/сыныптағы мінез-құлықтың негізгі қағидаларымен таныстыру; 2. Осы қағидаларды сақтаудың маңыздылығын түсіндіру; 3. Мінез-құлық қағидаларын бекіту үшін балаларға рольдік ойындар ойнатып, жаттықтыру.	Мінез-құлық қағидаларын бейнелейтін суреттер немесе карточкалар; Ұйымдастырылған іс-әрекет кезіндегі әртүрлі жағдайлар бейнеленген карточкалар.
Қараша айы. Апта сайын.	«Лифті (жедел саты) мен кіреберістегі (подъезд) мінез-құлық қағидалары»	Қауіпті жағдайлардың алдын алу үшін балаларға лифтідегі және кіреберістегі қауіпсіз мінез-құлықтың негізгі қағидаларын үйрету. 1. Балаларды лифті мен кіреберістегі мінез-құлықтың негізгі қағидаларымен таныстыру; 2. Балаларды қауіпті жағдайларды тануға және сол уақытта дұрыс әрекет етуге үйрету; 3. Төтенше жағдайларда өз бетінше шешім қабылдау дағдыларын дамытуға ықпал ету.	Лифті мен кіреберістегі мінез-құлық қағидаларын бейнелейтін иллюстрациялар немесе суреттер; Әртүрлі жағдайлар бейнеленген карточкалар.
Желтоқсан айы.	«Көшедегі қауіпті орындар»	Балаларға көшедегі қауіпті орындарды білуге және жазатайым оқиғаларды	Қауіпті орындардың суреттері немесе иллюстрациялары (ашық люктер,

	(ашық люктер, қаңырап қалған ғимараттар, септиктер, құрылыс алаңдары, гараждар)	болдырмау үшін өзін қалай дұрыс ұстау керектігін үйрету. 1. Балаларды көшедегі түрлі қауіпті орындармен таныстыру (ашық люктер, қаңырап қалған ғимараттар, септиктер, құрылыс алаңдары, гараждар); 2. Балаларға бұл орындардың неге қауіпті екенін және дұрыс іс-әрекет жасамаған жағдайда салдары қандай болатындығын түсіндіру; 3. Балаларға қауіпті орындардағы қауіпсіз мінез-құлық қағидаларын үйрету.	қаңырап қалған ғимараттар, септиктер, құрылыс алаңдары, гараждар); Өртүрлі жағдайлар бейнеленген карточкалар.
Қаңтар айы. Апта сайын.	«Үйдегі қауіпті заттар»	Балаларға үйдегі қауіпті заттарды тануды және жазатайым оқиғалар мен улануды болдырмау үшін дұрыс әрекет етуді үйрету. 1. Балаларды үйдегі әртүрлі қауіпті заттармен (дәрілер, тұрмыстық химия, газбаллондары) таныстыру; 2. Балаларға бұл заттардың неге қауіпті екенін және оларды дұрыс емес қолданған жағдайда салдары қандай болатынын түсіндіру; 3. Балаларға қауіпті заттардың жанындағы қауіпсіз мінез-құлық қағидаларын үйрету.	Қауіпті заттардың суреттері немесе иллюстрациялары (дәрілер, тұрмыстық химия, газбаллондары); Өртүрлі жағдайлар бейнеленген карточкалар.

Ақпан айы. Апта сайын.	«Адасып кеткен жағдайда мен не істеу керекпін?»	Балаларға адасып кеткен жағдайда дұрыс әрекет етуді үйрету. 1. Балаларды адасып кеткен жағдайда көмектесетін негізгі кеңестермен таныстыру; 2. Адасып кеткен жағдайда орнында қалудың маңыздылығын түсіндіру.	Өртүрлі жағдайлар, қабылдануы тиіс әрекеттер бейнеленген карточкалар.
Наурыз айы. Апта сайын.	«Бейтаныс жерде қауіпсіз мінез-құлық»	Балаларға бейтаныс адамдарды алып кетуге тырысқан жағдайда дұрыс әрекет етуді, өздерін қорғап, көмек шақыруды үйрету. 1. Балаларды бейтаныс адамдармен байланыс кезіндегі қауіпсіздіктің негізгі қағидаларымен таныстыру; 2. Балаларға бейтаныс адамдармен, олар тартымды нәрсе (балмұздақ, кәмпит, сағыз, ойыншық жәнет.б.) ұсынса да, неге кетуге болмайтындығын түсіндіру.	Өртүрлі жағдайлар бейнеленген иллюстрациялар немесе суреттер, қабылдануы тиіс әрекеттер бейнеленген карточкалар.

Сәуір айы. Апта сайын.	«Қауіпсіз аттракциондар. Ойын-сауық саябағында қалай әрекет ету керек?»	Жазатайым оқиғалар мен жарақаттануды болдырмау мақсатында балаларға аттракциондар мен ойын-сауық саябағындағы қауіпсіз мінез-құлықтың қағидаларын үйрету. 1. Балаларды аттракциондардағы мінез-құлықтың негізгі қағидаларымен таныстыру; 2. Қауіпсіздік үшін жас және басқа шектеулерді сақтаудың маңыздылығын түсіндіру; 3. Аттракциондарда қауіпсіздік белбеулері мен басқа да қорғаныс құралдарын дұрыс пайдалануға дағдыландыру.	Аттракциондар мен ойын-сауық саябағындағы жағдайлардың иллюстрациялары немесе суреттері; Аттракциондардағы мінез-құлық қағидалары жазылған карточкалар.
Мамыр айы. Апта сайын.	«Көшедегі ойын кезіндегі мінез-құлық қағидалары»	Жарақаттар мен қауіпті жағдайларды болдырмау мақсатында балаларға көшеде ойнау кезіндегі қауіпсіз мінез-құлықтың қағидаларын үйрету. 1. Балаларды көшеде ойнау кезіндегі мінез-құлықтың негізгі қағидаларымен таныстыру; 2. Арнайы бөлінген орындарда, ересектердің бақылауымен ойнаудың маңыздылығын түсіндіру; 3. Балаларға жолға жүгіріп шығу сияқты қауіпті жағдайлардан аулақ болуға үйрету.	Көшедегі әртүрлі ойын жағдайларының суреттері немесе иллюстрациялары.

